

# OMŪKUETU

No 0

SEPTEMBER

1936.

■ X · X · X · X · X · X · X ■ X · X · X · X · X · X ■ X · X · X · X · X · X ■ X · X · X · X · X · X ■

## OKUTILA OMUUA KU NEŠIMINIKO

2 Kor. 5: 11.

Omŭlumentu omŭnamajele ogendji Salomo, ta simaneke okutila Kalunga e ta ti: "Okutila Kalunga okuo ekota ljuunongo."

Eno šili, okutila Kalunga taku tu longo okulonga ehala lja Kalunga, no taku tu longo okuijageka šaa šoka itaši mŭ opalele. Eitaalo nenge einkelo lja šili nokutila Kalunga ogeli paamue, kage ši kukušua kumue nandookuli.

Onakutila Kalunga kua hala oku mŭ opalela, onke ta kambazala aluhe okulonga ehala lje, noku mŭ tila noku mŭ hoola ta ziginine aluhe Omŭua košipala še. Ngašika aamati naazike taa taalele oojene jauo, ošo oonakutila Kalunga taa ligamene kOmŭua. Mokutila Kalunga je nombili, onke oji isimanekele no muujinaji no muuzigu uili no uili otau ja aza. Omasiku omauanašua onakutila Omŭua ta nañukilua olukeno lue, nešimbo lje ezigu ote mŭ inekele no ta tegelele ekuaso lje.

Okukala kuOmŭjapostoli Paulus okua li kuantja ngaaka. Oondjenda ze oza li zu uzilila uuzigu, ihe oje ina sindika kuuo. Šo kua li a mangelua evangeli lja Kristus, okua li e ši ši Omŭua e mu na, onke a halele aanene našona ojo ajehe ja kale je mŭ fa, ja hupiše.

Nošifo šika: „Omŭkuetu,” taši kambazala uo okuitaališa aaleši jašo, no ku ja kolekela meitaalo no molugozi nduka lu' uukriste. Ša hala okukonga nokupukulula mboka ja puguma mondjila jehupišo no ja puka. Ša hala okukala eui ljomŭigizi no l'Omŭsita Omŭanaua, Jesus Kristus, tali išana ajehe, ji itezulule šili no ja galuke ku Kalunga.

Okutila Kalunga šo tu ku ši, no tu ši ši uo elago mpo li šike oku li na, no

kombinga onkuauo, šo tu ši ši uo ošimpuiju šaamboka ji iteka, noluhepo luaamboka ina uva natango ehijo ljevangeli, onke tu nešiminiko moomueño zetu oku ja kongatu kambazaleni oku ja itaališa jaa kane.

„Omŭkuetu” taši kongo ompito okuja noku entamenena mo megumbo ljomŭuambo kehe, ši lombuele omŭuambo kehe nomŭkriste nomŭpagani, u zilazile šili šoka še ku opalele ombili joje. Ino enda nondjila ndjoka ku ji ši, uaa je mekaneno ljaluhe. U zilazile uufupi uokukala kuoje muujuni, neso ljoje, nuule uokukala nkujaka kualuhe.

Omboka ja kuutumba momŭzizimba gueso no momilema „Omŭkuetu” taši kambazala oku ja papuzula ja jumukile momueño omŭpe, Kristus a ninge uujelele uauo.

Ano ošifo šika šetu, ša tamekulula okupendula auuambo, ošo okuume kauo ši li taši ja halele uanaua itau hulu po.

Uujuni tau hulu po  
Niinima mbi ajihe.  
Šaa šoka tatu tala ko  
Kombanda jev' alihe.  
Iilongo taji jonuka  
Niilonga jet' atuhe;  
Nuujamba uo tuu manuka  
Uujuni mbu auhe.

Uujamba mbu, uoohapu nzo,  
Kau na mpo tuu hulu;  
Ua hala u tu fale mo  
Megumbo ljomegulu!

H. Saari

# MOJAANDJETU

## ELALAKANENO LJ'OMUKUETU."

„Omükuetu” nguka guetu kee ši omükuilongo, ngoka ita tseja okukala kuetu nenge omikalo zetü. Aue. Okua fa kua putuka pamue natse. Onke ano e tu ši no tu mü ši uo no tu mü hoole. Otua hala okutunganga eendaşano lja kola naje no tua hala a holoke momağumbo getu oluindji e tu pukulule.

Oketameko ljomümvo tagu ja „Omükue-tu” ta tameke okuholoka lumue momuezi kehe. Okehe tuu ngoka a hala „Omükuetu” a holoke puje, oje na fute osispenişa (-6) iimaliva nenge iilja ooletera 10. Ihe iimaliva oje tuu naji holoke uunene oşoka iilja taji tu nenge. Omüntu şo kua futu nengeji lumue aluke petameko ljomümvo, „Omükue-tu” ta şiki kuje lumue momuezi kehe sigo kehulilo ljomümvo. „Omükuetu” oje omüpulela ano gokuilandela.

„Omükuetu” ta ka popja şike?

Epañdja lotete tali tu kumaida ndele tali tu pukulula neendjovo da Kalunga.

Epañdja etivaali tali tu hepaululile eşi şa ningua movambo ndele omaongalo nümübi e li po noşilonga şa Kalunga nümübi taşi tandavele. Otali tu pukulula nümübi tu nokuukifa okukala kuetu akuşe paukriste uaşili. Otali tu ulukile eeñgedi diua.

Epañdja etitatu tali tu šiivitile oşilonga şomanongelo nümübi taşi ehene komeşo noşilonga şetekulo nümübi ši nokuufua. Ovaşlongi aveşe va tanifilue eendunge dokuteşkula ounona novanjaşa momanongelo avo. Ovakuluñu vomomaumbo jo va pukululue okuteşkula ounona vavo. Epañdja olo li noşilonga neeñgono.

Epañdja la huunina tali tu hepaululile eşi taşi ningua naşi taşi popiua mounjuni auşe. Oşeşi luhapu ovambo hava uudu oinima ja tja ngaha mokanja kava va dja kOuşimba, ndele ne luhapu oinima oje ja lumbakana noipupulu. „Omükuetu” te tu hepaululile oşo aşike kaşi fi oipupulu ile elaka longaho.

Hano keşe tuu omüuambo na kendaşmbale okulilandela „Omükuetu”. Oje okau-me ketu e ši kulinekelua.

## OMUKULUNTU GUETUMO.

Ngaşika ajehe mbaka, ji ilandele” Oşkrismeşa” omvogu, ta tseja omükuluntu guetumo omüşamane Paasio okua si. Ihe

numvo aakuluntu jetumo ja hogolola omüşkuluntu omüpe, ngoka kua tameke nokuli oşilonga şe. Eşina lje omüşamane Paasio. KuSuomi kua zelaka nenge oşihomo, aniu a oje ti ikongele ompito okuja kutse kaauambo momümvo ngu tagu ja. Otatu nañu kua ngele ta mono eşimbo a ninge ngaaka. Otse tua hala okutja: ijaloo.

## OMUSAMANE KOIVU.

Ta fiki kovambo neudo. Oje a hala okutuikila oşilonga şaje şonaale kOnguediva. Ova ti ta fikama kuSuomi mu oktober.



## Omapulo nomajamukulo.

Ngele pe na ngoka a hala okupula şa şoka şe mu tsimine, na noole epulo lje non bapila ne ji tume k”Omükuetu” kOniipa nokuume ketu nguka ”Omükuetu” te mu pukulula naua. ”Omükuetu” a mono nokuli epulo lumue tali ti:

OTAŞI VULIKA TUU ONDJUPA  
JI HIKUE MOŞONDAHA KOMATAŞ  
NGO, AANTU ŞO JA ZI MONGERKI.

Ejamukulo lje „Omükuetu” tali ti:

Aue, itaşi vulika nando kaşona. Oşoka esiku alihe ljosondaha oljo esiku ljevululuko. Otu nokuvululukua esiku alihe no tu nokukala poohapu za Kalunga tu zi leşe nenge tu zi pulakene nokuga'ikana. Nenge taşi vulika uo mosondaha komatango omüşkriste a talele po omükuauo, ngoka ku li po ta aalukua nenge ta pumbua okuşsilua omükumo. Nenge ngele pe na ngoka a nişkoluhuşi uunene, aakuauo je noku mü heşkeleka. Inima ja tja ngeji taji vulika ji nişngue mosondaha. Ihe ngele pe nomüşkriste, a hala okuhika ondjupa mosondaha nando komatango, kee ši omüşkristelela. Oje ta zi ni Kalunga şo ta longo oşilonga şa tja ngeji.

„Omükuetu”, şo kua tameke okuholoka omümvo ngu tagu ja, te tu pukulula naua nkene tu nokujapula esiku ljevululuko.

Ano osispenişa kaauambo  
Oşilinga jimue kUuşimba

# OMANONGELO NEPUTUZO

## JEREMIA EKANDJO.

Jeremia Ekandjo okua li omüngandjela, omüvalele guamo. Aahongi šo je ja mOngandjela, okua azika okanona, ezina lje Šaanika, a lukilua muene guošilongo šauo.

Esiku limue Šaanika okue ja pongulu, e niiti jontala, a hala oku ji landiša elapi. Ihe iiti je ja li išona uunene, onke ine ji landua. Iiti je šo inaji landua, oje muene okua hala okukala pongulu, a ninge omü-kalele guomühongi, ihe ina taambua, ošoka omühongi okue mü tala omüšona uunene. Ihe, nando ina ziminua, ina za po pongulu, aue, okua kala ouala paamati aakalele jomühongi. Šo a kala pongulu, ohe okue ja e mü kuše po, e mü fale kegumbo, ošoka ina hala omüana a longue komühongi. Kegumbo Šaanika ina kala olule. Esiku limue okua holoka išeue pongulu nokui indile uukalele. Omühongi nokue mü taamba nokue mü ningi omüsita guutana. Esiku limue okua lombuelua a vuze mo omuizi mošikunino. Šaanika, šo kua nengua oku-joolola iiuanga ja kunua, okua vuza po oš-ňanga nokua šigi po iiuanga. Omükulukazi guomühongi šo kue ši mono, okua ti: "Kangandjela, ua vuza po iikunino jandje!" Šaanika nokua šunišua kuutana.

He na jina, šoka inaa hala Šaanika a kale pongulu, oja ji komükuaniihua Šaanika, e ja kušile ko omüuana kaatiligane. Omükuaniihua nokui išana omühongi kombala, je etelele okanona ki ipopile kokene. Šo ja šiki ko, omükuaniihua okua pula okanona: "Mbušandje, oua hala okuja naho nenge onomühongi?" Oje nokua ti: "Otandi ji nomühongi." Omükuaniihua okua ti: "Mbušandje a tokola." Šaanika nokua ji nomühongi, a nánukua pombanda.

Ošo ngeji Šaanika okua mono ompito okukala pongulu, ngaši a hala. Ihe onkene tuu okua juulukua aantu jaandjauo, uunene jina, nokua ji e ke ja talele po. Aakuluntu je ihe, šo je mü mono, te ende kokule, oja tameke okulula no je mü hulišile kondje jomuelo. Oje mü pele ko iikulja ji li mokakangua, ošoka oja li ja tila taa ti: Pamue okua peua uulozi kaahongi e ja lje po, je e ja tulile omüti miijuma jauo. Ošo Šaanika a šuna kongulu, a nik'oluhozi.

Šaanika šo a kala ngeji pongulu, omühongi okue mü zimbulula oje omüziginini miilonga je. No menongelo okua kala omünzinziliki nomüziginini. Mbalambala okui ilongo okuleša nokuñola. Kua tiua: oje a tseja okuñola tango maangandjela ojaakua. Oje nokua li e hoole okukuaša no-

kujakula aanongekua ojaakua. Oje ojaakua noku ja nongeka iinongekua je ja nenge.

Šo a huliša okunongekua kue muene, okua šašua pamue noojakuauo. Ezina lje epe kue li ihogololele oJeremia.

Oje okua hokana manga ina šika naua kehokano. Oje okua šiminikua a ninge egumbo omolu aangandjela oojakuauo mboška ja hala uukriste, ihe kaje na mpoka taa ka kala, ošoka omasiku ngejaka uukriste ua li inau halika kaantu ojendji mOngandjela. Egumbo lje okue li tungu popepi nongulu. Ošo ngeji a mono eha okukala omülongi mēnongelo ljopongulu nokukuaša aantu ojendji.

Inapa pita ešimbo ele, omühongi šo kue mü tumu kOniipa, ku seminaari, a ninge omülongilela. kOniipa okua kala e hoolike koojakua. Oje mü hokua, ošoka okua li omünambili nomünañukui aluhe nokua li e hoole okujakula ajehe. Okua li he ja jakula pamikalo ozindji žiili no žiili. Omümvo gumue guomvula onene okua hambata oojakuauo mekango li no-meja ogendji, e ja kondiša ngeji ekango ndjoka. Ajehe ja kuminua ohoole je nošnkondo ze ozindji.

Oje šo kua huliša oseminaari, okua tuminua kooha žOngandjela, okEtiljasa. Oko a tamekele iilonga je. Egumbo lje okue li tungu mezina lja Kalunga. Kalunga nokue mü jambeke. Egumbo lje okue li tungu enene li nongulu jomala gatatu, nepja lje kue li longo naua nokua hupu omišima ošminene ndatu. Egumbo lje lja ningi ejakuš li ljoombinga mbali: aasindjala jolutu oja kuašua, nuunene aakuanaluhepo jokomueño ju ulukilua komühupiši guoomueño. Ihe šo a kala ngeji a kola, omuene guomükunda okue mü sile efupa, a hala e mü tize po nokue ju umbu ondjembo. Omükulukazi gue a ti: "Aanona naa je kongulu, opo ja hupe po, pamue otaa žipagua ngele je li mpaka." (taži tsikilua)



Ounona tava longua kEngela

Ošifo šetu nge taši ka mono ompito okuholoka komeho, ke pandja ndika tua hala okuhokolola kašona oonkundana zokiilongo jiili no jiili, opo natse uo tu uve uujuni nkene u li, nongerki ja Kristus nkene ji li miilongo iikuaao.

ENGLAND.

Omümvo nguka tu li mo gua tameke noluhoci mevi ljaenglisa. ošoka omükuaš niilua guošilongo George omüti 5, okua si mu Januar. Oje okua li a lele ošilongo ooš mvula 25, ihe ngašingeji kee po ue. Okua li ina zina oohapu za Kalunga. Taku tiua, esiku ndijaka a kolekua muugundjuka ue, oku uvanekele jina, oje ta ka leša oohapu za Kalunga esiku kehe. Na mboka je mü ši, ohaa ti, euvaneko ndijaka okue li zigine sigo pehulilo ljomasiku ge.

Šoka ša zi mevi, ši nokušuna mevi, ihe ngoka okui itaale ezina ljOmüna gua Kalunga, oje e nomueño gualuhe.

Peha ljonakusa kua pingene omüuana a hogololua nale, ezina lje Edward. Okua niš ngi Edward omüti 8, šo kua lala ošilongo. šaenglisa, niilongo iikuaao ajihe ji li melelo ljauo, ngaši omavi ngano gaauambo nokuli. Okua valua eti 24 lja Juni 1894, ano ngašingeji e noomvula 42. Okua putuzilua naua ošilonga še, niilongo ajihe ji li melelo lje e ji ši naua, ošoka manga he kua li e nomueño, omüuana nguka oku hoole okuendaenda kiilongo ajihe ji li melelo ljaenglisa. Mu Afrika okua endeke ko 1928 no hugunina 1934 mu Union.

PALESTINA.

Okua pomasiku ngejaka ošilando ša Jerusalem ša halakanišua, aajuda ja kala kaje nošilongo šaandjauo. Ojo ja kala no ja halakana nuujuni auhe, ihe poomvula nzika zongašingeji ojendji jauo ja šuna mu Palestina ja kale mevi ljoojinakulu.

Manga aajuda ja li ja halakana kiilongo niilongo, mu Palestina mue ja aajarabia aakuamuhamed, ojo ja lala evi alihe no taa tala, evi oljauo ngašingeji. Ojo inaa hala okuzimina aajuda ojendji ja šune mo.

Numvo taku tiua aajarabia ja geja ši li. Ojo taa šiminike aniuo omüleli guošilongo a indike aajuda ajehe okuja mošilongo. Naajuda mbejaka, je ja mo nale, ja mono iihuna numvo, ošoka aajarabia haa ja uusiku no taa keke po omiti zauo zijiš mati, no taa fike po omazumbo gauo. Etešo šo lja heza popepi, aajarabia ja tema omapeja omanene ga jono po omapja gaajuda, manga aantu inaa teja.

Šaa tuu omüjuda te ende oje auike, oje ta kuatua kaajarabia no ta zengua. noješ

ndji ja zipagua nokuli. Ombuzi ja tja ngaš ka ja kala ko omümvo aguhe ngašingeji, no natango inaji tokoka.

Aajarabia ja fa taa tala aajuda, ngaši aaauambo haa tala aakuankala mboka ja li nale oojene jomavi ngaka.

No momavi omakuauo uo aajuda ja fa inaa halika naua, ngaši aanduisi je li po ja hala oku ja tiza mo mošilongo šaandjauo no je ja longele uuzigu ouindji pomasiku ngaka. Egeelo lja Kalunga oljo ezigu okuhumbata.


KIINA

Ošilongo ša Kiina ša kala ša pjagana oomvula ozindji. Epangelo ljošilongo kali noonkondo okuvulikiša aantu ajehe, ihe šaa ngoka ti itaala oje omänarkkrodo, cti ikongele aakuiita je muene no ta pangele momükunda gue. Epangelo tali tumu išeue aakuiita jaljo oku ja geela, na esiku limue ojo taa sindi, esiku limue taa sindua, naješe ja fa taa futiša aantu jouala.

Ngaši omümvogu iita ja zigininua omümvo aguhe momikunda moka aahongi aasuomi ja li ko. Aahongi ajehe ja li je nokuza mo, no ja li ja tegelele komikunda zilue.

Numvo ja mono ompito okušuna mo išeue, ihe ja aza oongulu zauo za jonua po naji. Egongalo ljaakiina lja li lja mono uuzigu ouindji. Aakriste jamue ja hepekeš lua eitaalo ljauo, jamue ja ji ontuku, nomaš gumbo gauo ga jugua.

Eitaalo ljaakriste ja šili ja kolekua kuuš zigu, ihe mboka je nezina alike ljomükriste, ojo mboka ajehe ja kombua mo megoš ngalo. Uuzigu ua fa ue eta epapuzulo euanaua momagongalo gaakiina.



Oskeš pa jaa nona aakua englisa ja fala aahoš ngi kaa pagani.